



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1143. Usque Ad Annum 1176

Fleury, Claude

August. Vind. [u.a.], 1762

VD18 90118014

§. 30. In Thomæ necem conjuratur.

[urn:nbn:de:hbz:466:1-66377](https://nbn-resolving.org/urn:nbn:de:hbz:466:1-66377)

Sæcul. XII.

A.C. 1170

c. 10.

nem habuit ad populum, atque in epilo-
go mortis suæ diem proxime instare, o-
mnibus ejulantibus, ipse lacrymas non
fatis tenens præfagiit. Mox vero indi-
gnans, vehementer invectus est in Ec-
clesiæ inimicos ac speciatim in complu-
res Regis Patris Aulicos, quos excom-
municavit; nominatim autem duos fra-
tres Rudolphum & Robertum *de Broc*
fulmine Ecclesiastico percussit. Missa
celebrata, convivium, ut solebat in Fe-
stis præcipuis, hilariter exhibuit, &
quamvis Natalis Domini hoc anno in
diem Veneris incideret, carnes cum ali-
is assidentibus manducavit. Hic an-
tiquitatem dispensationis in abstinentia
in Nativitate Christi Domini perspicie-
mus.

§. XXX.

In Thomæ necem conjuratur.

vit. c. 8.

Inter hæc cum Archiepiscopus Eboracensis & duo Episcopi paucis ante Festa Natalitia Domini diebus in Normanniam pervenissent, ad Regis genua accedentes, ejusque justitiam obtestantes, acriter conquesti sunt, quod Thomas pace a Rege sibi concessa abuteretur, & in ipso adventu suo Censuris contra ipsos promulgatis Regnum turbasset. Quibus Rex: *Si omnes illi, qui de coronando filio meo consenserunt, excommu-*
nicati

nicati sunt, per vultum Dei! ego omnium Sæcul. XII.
primus excommunicationi subjaceo. At- A. C. 1170.
 que hæc locutus ingentem iram conce-
 pit. Ceterum hoc maxime vitio labo-
 rabat Henricus. Quippe aliquando in
 virum nobilem, qui causæ Regis Scotiæ
 favere videbatur, commotus, prodito-
 rem appellavit, aliisque convitiis in eum
 jactis, sibi ipsi galerum, quo caput tege-
 re solebat, detraxit, cingulum solvit,
 pallium, vestimenta procul abjecit, &
 revolutis lecti stragulis eidem insidens,
 stramen dentibus macerare cœpit. Alia
 die cuidam ephebo, invisas sibi literas
 reddenti, oculos suis unguibus eruere
 aggressus, faciem adolescentis fœde
 cruentavit. Petrus vero Blesensis, qui 1. ep. 45.
 alias Regis virtutes admiratur, dicit, Petr. ep. 66.
 quod iræ motu abreptus furore leonem
 superaverit. Ergo illa die Rex trium
 Præfulum querelis contra Thomam inci-
 tatus, diris devovere cœpit omnes clien-
 tes, a se nutritos & beneficiis cumulosos,
 quod nullus se vindicaret a tyrannide
 unius Sacerdotis, qui regnum suum con-
 funderet, seque ipsum Regia Dignitate
 exuere niteretur, multaque alia in illo
 animi tumultu Archiepiscopo exprobra-
 vit. Tunc vero quatuor viri equestris
 ordinis, Henrico Regi a cubiculis, rati
 nunquam se majore obsequio Dominum
 suum devincturos, quam si Archiepisco-
 pum

Sæcul. XII.

A.C. 1170.

Gervas.

1170 vit.

c. 12.

pum interficerent, facinus peragere animo constituerunt. Erant vero hi Equites Renaldus Ursi filius, Hugo de *Merveville*, Guilielmus de Traci, & Richardus Brito, qui in ipsa nocte Nativitatis Domini conspirantes jurejurando ad cadendum Archiepiscopum se obstrinxerunt, ac in Festo clam e Regia discesserunt. Itinere celeriter confecto, cum ventus etiam faveret, die Lunæ in Festo Innocentium in Angliam appulsi ad Castrum *Saltizde*, quod Rudolphus de *Bro* sex milliaribus a Cantuaria remotum custodiebat, diverterunt. Nocte deliberando, qua ratione potissimum delinata exequerentur, consumpta, ubi illuxit, nempe die Martis, vigesima nona Decembris, coacto agrestium agmine, Cantuariam veniunt, in Monasterium S. Augustini se conferunt & cum Clarembaldo, electo illius loci Abbate, hoste Archiepiscopi manifesto, consultant.

§. XXXI.

Adventus Latronum.

c. 13. Inde conjurati ad Domum Archiepiscopalem digrediuntur, ubi Præsulem jam pransum, & cum Clericis, Monachisque suis de quodam negotio colloquentem habuerunt. Intrantr triclinium, & nemini salutem dicentes in pavimento ad ejus pedes confident. Post breve silentium,